



古今名醫類案

卷第十

產後	胎前	胎熱	胎漏	交腸	娠症	崩漏	婦人症
師尼寡婦寒熱	胎忘	胎產	胎胎	惡阻	胎胎	帶下	經水
	胎死作喘	胎胎	胎胎	胎水胎腫	轉胎	求子	熱入血室

特別
79
517
11



中
卷
五
十七



名醫類案卷之十一

明新都篁南江瓊集

長子應元校正

次子應宿述補

經水

太倉公治一女病腰背痛寒熱眾醫皆以寒熱治公診之
曰內寒月事不下也即竄以藥旋下病已病得之欲男
子不可得也所以知其病者診其脉時切之腎脉也畜
而不屬番而不屬者其來難堅故日月不下肝脉弦出
左也故曰欲男子不可得也蓋男子以精為主婦人以
血為主男子精盛則思室女子血盛則懷胎夫肝攝血

者也厥陰弦出寸部又上魚際則陰血盛可知矣

東垣治一夫人病寒熱月事不至者數年矣又加喘嗽醫者悉以蛤蚧桂附等投之李曰不然夫人病陰爲陽所搏大忌溫劑以涼血和血之藥服自愈已而果然

一婦人年三十歲臨經預先臍腰痛甚則腹中亦痛經有二三日以柴胡錢半羌活一錢丁香四分蝎一個當歸身一錢生地一錢都作一服水一盞煎至一盞去查食前稍熱服

一婦年三十餘因每洗浴後必用冷水淋通身又嘗大驚遂患經來時必先小腹大痛口吐涎水經行後又吐水三日其痛又值至六七日經水止時方住百藥不効診

其脉寸滑大而弦關尺皆弦大急尺小於關關小寸寸所謂前大後小也遂用香附三兩半夏二兩茯苓黃芩各一兩半枳實玄胡索牡丹皮人參當歸白朮桃仁各一兩黃連七錢川練遠志甘草各半兩桂參錢景茺萸錢半分十五貼入薑汁兩塊殼熱服之後用熱湯洗浴得微汗乃已忌當風坐卧手足見水并喫生冷服三貼後全愈半年因驚憂其病復舉腰腹時痛小便淋痛心惕惕驚悸意其表已解病獨在裏先爲灸少冲營宮崑崙三陰交止悸定痛次用桃仁承氣湯太下之下後用醋香附三兩醋蓬朮當歸身各一兩半醋三稜玄胡索醋大黃醋青皮青木香茴香滑石木通桃仁各一兩

烏藥甘草砂仁檳榔苦練各半兩木香吳茱萸各二錢
分作二十貼入新取牛膝濕者二錢生薑五片用荷葉
湯煎服愈

一婦頭痛口乾經行後身痛腰甚痛以生地黄一錢白朮
芍藥各一錢川芎歸身尾各五分炒栝實甘草各三分
一婦年二十餘經閉二年食少乏力以黃連二錢白朮錢
半陳皮滑石各一錢黃芩五分木通三分桃仁十個
炙甘草少許

滑伯仁治一婦年三十每經水將來三五日前臍下疔痛
如刀刺狀寒熱交作下如黑豆汁既而水下因之無娠
脉二尺沈瀟欲絕餘部皆弦急曰此由下焦寒濕邪氣

搏于衝任衝為血海任主胞胎為血室故經事將來邪
與血爭而作疔痛寒氣生濁下如豆汁宜治下焦遂以
辛散苦溫理血藥為劑令先經期十日服之凡三次而
邪去經調是年有孕

呂滄洲治一女在室病不月諸醫療皆不得其狀視之腹
大如娠求其色脉即怪語之曰汝病非有異夢則鬼靈
所憑耳女不答趨入卧內密語其侍嫗曰我去夏追涼
廟廡下薄暮過木神心動是夕夢一男子如暮間所見
者即我寢親狎由是感病我慚赧不敢以告人醫言是
也嫗以告呂呂曰女面色赤赤白者愧也脉作大作
小者崇也病因與色脉符雖劇無苦乃以桃仁煎下血

類脈肝者六七枚俱有竅如魚目病已

汪石山治一婦年踰三十無子診視其脈近和惟尺部覺
洪滑耳曰子宮有熱血海不固也其夫曰然每行人道
經水即來乃喻以丹溪木補丸加山茱萸白龍骨止澁
之藥以治其內再以亂髮灰白礬灰黃連五倍子為末
以浴其隱處果愈且子

丹溪治一婦年二十歲兩月經不行忽行小腹痛有塊血
紫色以白芍白朮陳皮各五錢黃芩川芎木通各二錢
炙甘草少許

一婦氣滯血澁脈不澁經不調或前或後紫色苦兩太腿
外腫麻木有時痒生瘡大便秘滯以麻子仁桃仁去皮

尖芍藥各二兩半枳殼白朮歸頭歲靈仙訶子肉生地
陳皮各五錢木黃煨七錢為末粥丸

一婦年四十八歲因有白帶口渴月經多初來血黑色後
來血淡倦怠食少臍上急以白朮錢半紅花豆大陳皮
白芍各一錢木通枳殼各五分黃芩砂仁炙甘草各三
分共九味煎湯下保和丸三十粒抑青丸二十粒

一女年十五脉弦而大不數形肥初夏時倦怠月經來時
多此稟受弱氣不足攝血也以白朮錢半生芪陳皮各
一錢人參五錢炒栝三分

一婦年四十餘月經不調行時腹疼行後又有三四日滯
瀝皆穢才口渴面黃倦怠無力以白朮一兩歸身尾六

錢陳皮七錢黃連三錢木通二錢生芪黃芩各二錢
甘草一錢分作八貼下五靈脂凡四十粒食前

一婦月經不勻血紫色來作痛倦怠惡寒為人性急以青
皮五分川芎黃芩牡丹皮茯苓各二錢乾薑一錢炙甘
草五分

一婦年二十歲月事不勻來時先腹隱疼血紫色食少無
力以白朮四錢黃連陳皮各二錢半牡丹皮二錢木通
黃芩人參萊菔各錢半炙甘草五分分作四貼水二盞
煎取小盞食前服

一婦年二十餘形肥痞塞不食每日臥至未飲薄粥一盞
粥後必吐水并碗仍復臥經不通三月矣前番通時黑

色脉辰時寸滑皆有力午後關滑寸則否詢之因乘怒
飲食而然遂以白朮兩半厚朴黃連枳實各一兩半夏
茯苓陳皮山查人參滑石各八錢砂仁香附桃仁各半
兩紅花二錢分作十貼每日服一貼各入薑汁二錢殼
間三日以神祐丸神秘沈香丸微下之至十二日吐止
食漸進四十日平復如故

一婦年五十餘形瘦亦痞不食吐水經不通以前藥方加
參朮歸為君煎熟入竹瀝半盞薑汁服之但不用神祐
丸下之亦平復或咳嗽寒熱而經閉者當于欬門濕痰
條求之

醫學綱目

子和治一婦人月事不行寒熱往來口乾頰赤喜飲且暮

間咳一二聲諸醫皆用蠶虫水蛭乾漆礪砂芫青紅娘子沒藥血竭之類子和不然曰古方雖有此法奈病人服之必臍腹發痛飲食不進乃命止藥飲食稍進內經曰二陽之病發心脾心受之則血不流故不月也既心受積熱宜抑火升水流濕潤燥開胃進食乃涌出痰一二升下泄水五六行濕水上下皆去血氣自然周流月事不爲水濕所隔自依期而至矣不用蠶虫水蛭有毒之藥如用之則月經縱來小便反閉他證生矣凡精血不足宜補之以食大忌有毒之藥偏勝而成天關一婦人年三十餘經水不行寒熱往來面色痿黃唇焦頰赤時或三兩聲向者所服之藥黑神散烏金丸四物湯

燒肝散鼈甲散建中湯寧脈散針艾百計轉劇家人意倦不欲求治子和憫之先涌痰五六升午前湧畢午後食進餘症悉除後三日復輕涌之又去痰一二升食益進不數日又下通經散瀉訖一二升後數日去死皮數重小者如麩片大者如葦膜不一月經水行神氣清健吳楚山治一婦行經時着氣惱經過半月後得心腹腰脇痛不可忍醫作氣治以香燥止痛之劑服之愈不妄診其脈弦急不勻早間行經着惱乃瘀血作痛也遂以四物入桃仁紅花延胡索莪朮青皮之類數服血通其患已矣

一女子經水過多行後復行面色痿黃人倦無力遂以歸

身炒為熟地川芎荆芥續斷煨乾薑炙甘草數服而安
一婦經事欲行臍腹絞痛臨行血澁以四物入延胡索檳榔青皮香附子之類數服痛除

一婦行經色淡若黃漿心腹嘈雜此脾胃濕痰故也以二陳湯合四物入細辛蒼朮數服即止

一女子經水下如黑豆汁此絡中風熱也以四物加黃芩川連荆芥穗蔓荊子數服血清色轉

一婦經來適斷寒熱往來以小柴胡湯二服寒熱即止繼以四物湯數服而安

一婦經血過多得五心煩熱日晡潮熱諸藥不効以四物加胡黃連三服而愈

俞子容治一婦寡居鬱結成疾經事不行體熱如炙忽吐血若泉湧醫用止血藥不効俞以茄花根搗汁濃磨沉香服至五錢許日以醞醋貯瓶內火上炙熱氣冲兩鼻孔血始得降下吐血不復作經事乃行

莫強中一侍人久病經阻發熱咳嗽倦怠不食憔悴骨立醫往往作瘵疾治之勢甚危莫曰婦人以血為本血榮自然有生理因謝眾醫專服四物湯其法咬咀每慢火煎取清汁帶熱以啜之空腹日三四服兩月餘經通疾如失

潘璟字溫叟名醫也診屯由郎中張謹妻年四十餘而天癸不至潘察其脉曰明年血潰而死既而果然

石山治一婦瘦小年二十餘經水紫色或前或後臨行腹痛惡寒喜熱或時感寒腹亦作痛脉皆細濡近滑兩尺重按略洪而滑注曰血熱也或謂惡寒如此何謂為熱曰極熱似寒也遂用酒煮黃連四兩香附歸身尾各二兩五靈脂一兩為末粥丸空腹吞之而愈

一婦經行必瀉三日然後行診其脉皆濡弱曰此脾虛也脾屬血屬濕經水將動脾血已先流注血海然後下流為經脾血既虧則虛而不能運行其濕令作參苓白朮散每服二錢一日米飲調下二三次月餘經行不瀉矣一婦產後經行不止或紅或白或淡病踰八月面色黃白性躁頭眩脚軟醫用參芪補藥病益加用止瀉藥不効

汪診之右脉濡弱無力左脉略洪而駛曰右脉弱者非病也左脉偏盛遂覺右脉弱耳宜主右脉治以涼血之劑遂以生地白芍白朮各一錢黃芩阿膠歸身各八分陳皮香附川芎椿根皮茯苓各六分柴胡甘草各五分煎服二十餘劑而愈

一婦年逾四十形長色脆病經不調右脉浮軟而大左脉虛軟而小近駛嘗時經前作泄今年四月感風咳嗽用湯洗浴許多因泄一月六月復因洗浴發瘡六七次瘡雖止而神思不爽至八月盡而經水過多白帶時下瀉泄遂覺右脚疼痛舊曾閃脚脚跟今則假此延痛臀腿腰脇尻骨脛項右邊筋皆掣痛或咳嗽一聲則腰眼痛

如腰扎日輕夜重叫號不已幸痛稍止飲食如常今詳
月水過多白帶時下日輕夜重瀉泄無時亦屬下多亡
陰宜作血虛論治服四物止痛之劑益甚九月汪復診
視始悟此病乃合仲景所謂陽生則陰長之法矣夫經
水多白帶下常瀉泄皆由陽虛陷下而然命曰陽脫是
也日輕夜重蓋日陽旺而得健運之職故血亦無凝滯
之患而日故輕也夜則陰旺而陽不得其任失其健運
之常血亦隨滯故夜重也遂以參朮助陽之藥煎服五
七貼痛減此亦病症之變治法殊常故記之

一婦年二十一歲六月經行腹痛如刮難忍求死脉得細
軟而駛尺則沈弱而近駛汪曰細軟屬濕數則爲熱尺

沈屬鬱滯也以酒煮黃連半斤炒香附六兩五靈脂半
炒半生三兩歸身尾二兩爲末粥丸空心湯下三四錢
服至五六料越九年得一子又越四年經行兩月不斷
腹中微痛又服前丸而愈續後經行六七日經止則流
清水腹中微痛又服前丸而痛亦止又經住只有七八
日若至行時或大行五六日續則適來適斷或微紅或
淡紅行後尋流清水小腹大痛漸連遍身背腰腿骨
裏皆痛自己至酉乃止痛則遍身冷熱汗大出汗止痛
減尚能飲食自始痛至今歷十五年前藥屢服屢效今
周効者何也汪復診之脉皆洪滑無力華其尚有精神
汪曰此非舊日比矣舊乃鬱熱今則虛寒東垣曰始爲

熱中終為寒中是也經曰脈至而從按之不鼓乃陰盛
格陽當作寒治且始病時而形斂小今則形肥大矣醫
書曰瘦人血熱肥人氣虛豈可同一治耶所可慮者汗
大泄而脈不為汗衰血大崩而脈不為血減耳其痛日
重夜輕知由陽虛不能健運故亦凝滯而作痛以症參
脈宜用助陽若得脈減痛輕方為佳兆遂投參芪歸朮
太劑加桂附一貼來早再診脈皆稍寧服至二三貼
時當二月至五月病且愈蓋病有始終寒熱之異藥有
前後用舍不同形有肥瘦壯少不等豈可以一方而通
治哉

一婦年逾四十形色頗實常患產難倒生經水不調或時

遍身骨節疼痛食少倦怠自汗汪診之兩手脈皆不應
惟右關輕按隱隱然微覺動也凝脈出部以指尋按經
渠列缺穴亦不應甚怪之乃叩其夫曰有孕時醫診亦
言無脈後服八物湯華爾易產而得一子汪曰此由稟
賦本求脈不應也無足怪可見天下事變出無窮果難
一一以常理測也如脈經所謂但道其常而已兩手無
脈不傷其生又不妨于胎孕豈脈經所能盡耶脈或兩
手出部或一手出部見之多矣兩手無脈而人故如此
亦理之所無事之太變故記之

一婦有病汪診之右脈緩濡而弱左手無脈再三尋之動
于腕臂外廉陽谿偏歷之分乃語之曰左脈離其部位

其病難以脈知以右脈言之似屬于脾胃不足也尚當
言其病焉告曰每遇經未行前咯血數口心嘈不安食
少懶倦汪以四君子加山桅陳皮麥冬牡丹皮煎服數
貼而安

薛已治一婦人發熱口乾月經不調兩腿無力服祛風滲
濕之劑腿痛體倦二膝浮腫經事不通薛作肝脾腎三
經血虛火燥症各鶴膝風用六味八味二九兼服兩月
形體漸健飲食漸進膝腫漸消不半載而痊前症若脾
腎虛寒腿足軟痛或足膝枯細用八味丸若飲食過多
腿足或臂內痠脹或浮腫作痛用補中益氣加茯苓半
夏主之

一婦人經候過期發熱倦怠或用四物黃連之類反兩月
一度且少而成塊又用峻藥通之兩自如帛所蔽薛曰
脾為諸陰之首目為血脈之宗此脾傷五藏皆為失所
不能歸于目矣遂用補中益氣濟生歸脾二湯專主脾
胃年餘尋愈

一婦人兩鬢痠痛後及太陽面青善怒薛作膽經風熱用
選奇湯合逍遙散加山桅天蘇黃芪半夏黃芩而愈此
症失治多致傷目或兩耳出膿危矣

一婦人年四十素性急先因飲食難化月經不調服理氣
化痰藥反肚腹膨脹大便泄瀉又加烏藥蓬朮肚腹腫
脹小便不利加猪苓澤瀉痰喘氣急手足厥冷頭面肢

體腫脹指按成窟脈沈細右寸為甚薛曰此脾胃之氣
虛寒不能通調水道下輸膀胱滲泄之令不行化生之
氣不運即東垣所云水飲留積若土之在雨中則為泥
矣得和風暖日水濕去而陽化自然萬物生長喜其脉
相應遂與金匱加減腎氣丸料服之小便即通數劑腫
脹消半四肢漸溫自能轉側又與六君加木香肉桂炮
薑治之全愈後不戒七情飲食即為泄瀉仍用前藥加
香附子五分而安

一婦人素有頭暈不時而作月經遲而少薛以中氣虛不
能上升而頭暈不能下化而經少用補中益氣湯而愈
後因勞而仆月經如湧此勞傷火動用前湯加五味子

一劑服之即愈前症雖云亡血過多氣無所附實因脾
氣虧損耳

一婦人年四十勞則足跟熱痛薛以陰血虛極急用聖愈
湯而痊後遍身搔痒誤服風藥發熱抽搐肝脉洪數此
乃肝家血虛火盛而生風以天竺膽星為丸用四物麥
冬五味芍連芩草山梔柴胡煎送而愈

一婦人兩足發熱日晡益甚小便自遺或時下利薛以為
肝熱陰挺不能約至午前用白朮茯苓丹皮澤瀉各五
分乾山藥山茱麥冬各一錢熟地四錢酒炒黑黃柏七
分知母五分不數劑而諸症悉愈若用分利之劑愈損
真陰必致不起

一婦人月事未期而至發熱自汗服清熱止汗之劑反作
渴頭痛手掉身麻此因肝經風熱用柴胡炒冬連炒山
梔歸芍生地丹皮各一錢參芪苓朮各一錢五分川芎
七分甘草五分二劑其汗全止更以補中益氣而愈凡
發熱久者陽氣亦自病須調補之

一婦人經行後勞後失調忽然昏憤面赤吐痰此元氣虛
火妄動急飲童便神思漸爽更用參芪各五錢芎歸各
三錢玄參柴胡山梔炙甘草各一錢一劑又用逍遙散
加五味麥冬稍定但體倦面黃此脾土真虛之色也又
以十全大補加五味麥冬治之而愈若投以發散之劑
禍在反掌慎之

一婦人多怒經行或數日或半月即止三年後淋瀝無期
肌體倦瘦口乾內熱盜汗如洗日晡熱甚用參芪歸朮
茯神遠志棗仁麥冬五味丹皮龍眼肉炙草柴胡升麻
治之獲愈此症先因怒動肝火血熱妄行後乃脾氣下
陷不能攝血歸源故用前藥若胃熱無津液而經不行
宜清胃若心火亢甚者宜清心若服燥藥過多者宜養
血若病久氣血衰宜健脾胃

一婦性善怒產後唇腫內熱用清熱敗毒唇舌腫脹日晡
熱甚月水不調用降火化痰食少作嘔大便不實唇出
血水用理氣消導胃膈痞滿頭目不清唇腫經閉用清
胃行血肢體倦怠發熱煩燥涎水湧出欲用通經之劑

薛曰病本七情肝脾虧損數行攻伐元氣益虛故耳法
富補陰益陽遂以加味歸脾湯加味逍遙散補中益氣
湯如法調治元氣漸復唇瘡亦愈後因怒寒熱耳痛胃
膈脹悶唇焮腫甚此是怒動肝火而血傷遂用四物合
小柴胡加山梔頓愈後又怒脇乳作脹肚腹作痛嘔吐
酸澁飲食不入小水不利此是怒動肝木尅脾土乃用
補脾氣養脾血而愈又因勞役怒氣飲食失時發熱喘
渴體倦不食去血如崩唇腫焮甚此是肝經有火脾經
氣虛遂用補中益氣加炒黑山梔芍藥丹皮而愈此症
每見但治其瘡不固其本而死者多矣
一婦人停食飽悶發熱或用人參養胃湯益甚再用木香

檳榔丸泄瀉吐痰腹中成塊飲食少思又用二陳黃連
厚朴之類前症益甚腹脹不食月經不至此中氣虧損
用補中益氣加茯苓半夏三十餘劑脾胃健而諸症愈
又二十餘劑而經自行前症若脾虛不能消化飲食者
宜用六君子湯補而消之虛寒者加砂仁木香炮薑溫
而補之其食積成形者以前藥煎下保和丸大抵食積
痞塊症爲有形所謂邪氣勝則實真氣奪則虛惟當養
正闢邪而積自除矣雖然堅者削之客者除之胃氣未
虛或可少用若病久虛乏者則不宜用
一婦人飲食後或腹脹或吞酸服枳朮丸吞酸益甚飲食
日少胃膈痞滿腿內酸痛畏見風寒又服養胃湯一劑

腿內作痛，又二劑腿浮腫，月經不行，此鬱結所傷脾虛，濕熱便晨，用四君芎歸二陳，午後以前湯送越鞠丸，飲食漸進，諸症漸愈，又用歸脾八珍二湯兼服，兩月餘而經行。

一婦人月經不調，晡熱內熱，飲食少思，肌體消瘦，小便頻數，服濟陰丸，月經不行，四肢浮腫，小便不通，曰：此血分也。朝用椒仁丸，夕用歸脾湯，漸愈，乃以人參丸代椒仁丸，兩月餘將愈，專用歸脾湯五十餘劑而痊。

一瘧婦月經不調，小便短少，或用清熱分利之劑，小便不利，三月餘，身面浮腫，月經不通，曰：此水分也。遂朝用葶藶丸，夕用歸脾湯，漸愈，乃用人參丸間服而愈。已上二

日作脾虛，水氣用分利等藥而沒者多矣。

一婦人熱作渴，飲食少思，腹內近左，初如鷄卵，漸大四寸許，經水三月一至，肢體消瘦，齒頰似瘡，脈洪數，而虛左關尤甚，此肝脾鬱結之症外，貼阿魏膏，午前用補中益氣湯，午後以加味歸脾湯，兩月許，肝火少退，脾土少健，仍與前湯送下六味地黃丸，午後又用逍遙散送歸脾丸，又月餘，日用蘆薈丸，二服，空腹以逍遙散下，日晡以歸脾湯下，喜其謹疾調理年餘而愈。

一婦人腹內一塊，不時上攻或痛，作聲吞酸痞悶，月經不調，小溲不利，二年餘矣，面色青黃，此肝脾氣滯，以六君子加芍歸柴胡炒連木香吳茱各少許，二劑却與歸脾

湯下蘆薈丸三月餘肝脾和而諸症退又與調中益氣
加茯苓牡丹皮中氣健而經自調

熱入血室

許學士治一婦病傷寒發寒熱遇夜則如見鬼狀經六七日
忽然昏塞涎響如引鋸牙關緊急眼目不知人病勢
危困許視之曰得病之初曾值月經來否其家云經水
方來病作而經遂止得一二日發寒熱晝雖靜夜則有
鬼祟從日昨不省人事許曰此乃熱入血室症仲景云
婦人中風發熱惡寒經水適來晝則明暮則譫語如
見鬼狀發作有時此名熱入血室醫者不曉以剛劑與
之遂致胃膈不利涎潮上脫喘急息高昏冒不知人當
先化其痰後除其熱乃急以一呷散投之兩時頃涎下
得睡省人事次授以小柴胡湯加生地三服而熱除不

汗而自解矣

一婦人患熱入血室，症醫者不識，用補血調氣藥治之數日，遂成血結，胃或勸用前藥，許公曰：小柴胡已遲，不可行也。無已，刺期門穴，斯可矣。予不能針，請善鍼者治之。如言而愈。或問：熱入血室何為而成結胃也？許曰：邪氣傳入經絡，與正氣相搏，上下流行，遇經水適來，適斷，邪氣乘虛入于血室，血為邪所迫，上入肝經，肝受邪則譫語，而見鬼，復入臆中，則血結于胃中矣。何以言之？婦人平居水養木，血養肝，方未受孕，則下行之為月水，既孕則中畜之，以養胎。及已產，則上壅之，以為乳。皆血也。今邪逐血，併歸于肝經，聚于臆中，結于乳下，故手觸之則

痛非藥可及，故當刺期門也。

虞恒德治一少婦，夏月行經，得傷寒，以瘧譫語狂亂，諸醫皆以傷寒內熱投雙解散，解毒湯服之，大汗如雨，反如風狀。次以牛黃丸、金石之藥，愈投愈劇。一日延虞診視，脈弦而大，虞思傷寒內熱狂亂，六陽俱病，豈不口乾舌黑，況脈不數，病體捫之或熱或靜，其腹急痛，意必有內傷在前，傷寒在後。今傷寒得汗，雖已內傷，則尚存故也。因細問之，患者曰：正行經時，因飲食後多汗，用冷水抹身，因得此症。方如冷水外閉其汗，內阻其血，邪熱入室，經血未盡，血得邪熱，乍靜乍亂，寒熱譫語，掉眩類風，須得玉燭散下之，而愈。下後譫語已定，次以四物、小柴胡

湯調理五步熱退身涼其患遂瘳

衍義云一婦人溫病已十二日診之其脈六七至而濡寸稍大尺稍小發寒熱頰赤口乾不了了耳聾問之病數日經水乃行此屬少陽熱入血室也若治不對病則必死乃按其症與小柴胡湯服之二日又與小柴胡湯加桂乾薑一日寒熱遂止又云臍下急痛又與抵當丸微利臍下痛痊身漸涼脈漸勻尚不了了乃復與小柴胡湯次日但胃中熱躁口鼻乾又少與調胃承氣湯不得利次日心下痛又與大陷胷湯半服利三行次日虛煩不寧時妄有所見復狂言雖知其尚有燥屎以其極虛不敢攻之遂與竹葉湯去其煩熱其夜大便自通至晚

兩次中有燥屎數枚而狂言虛煩盡解但咳嗽唾此肺虛也若不治恐成肺痿遂與小柴胡湯去人參大棗牛薑加乾薑五味子湯一日咳減二日而病悉愈以上皆用仲景方

薛立齋治一婦人經行感冒風寒日間安靜至夜謔語用小柴胡加生地治之頓安但內熱頭暈用補中益氣加蔓荊子而愈後因惱怒寒熱謔語胃脇脹痛小便頻數月經先期此是肝火血熱妄行用加味道遙加生地而愈

一婦人因怒寒熱頭痛謔語日晡至夜益甚而經暴至蓋肝藏血此怒動火而血妄行用加味道遙散加生地治

之神思頓清但食少體倦月經未已蓋脾統血此脾氣
虛不能攝血用補中益氣治之月經漸止
一婦人懷抱素鬱感胃經行謔語服發散之劑不應用寒
涼降火前症益甚更加月經不止肚腹作痛嘔吐不食
痰涎自出此脾胃虛寒用香砂六君脾胃漸健諸症漸
退又用歸脾湯而全愈

江應宿治西村金氏婦年二十一歲五月中患熱病發熱
頭痛渴欲飲冷六脉緊數經行謔語用小柴胡湯病家
疑病人素壯健藥有人參未敢服過二日病轉劇腹痛
急脹已經八九日不更衣仍以小柴胡加大黃四錢利
去黑糞熱退身涼而愈

崩漏

東垣治一婦時冬患暴崩不止先因損身失血自後一次
縮一十日而來其後暴崩不止其人心窄性急多驚必
因心氣不足飲食不節得之診得掌中脉沈細而緩間
帶數九竅微不利四肢無力上喘氣短促不調果有心
氣不足脾胃虛弱之症胃脘當心而痛左脇下縮急當
臍有動氣腹中鳴下氣大便難虛證極多且先治其本
餘症可去安心定志鎮墜其驚調和脾胃大益元氣補
血養神以太熱之劑去其寒凝在皮膚少加生地去命
門相火不令四肢痿弱以黃連二分生地三分炒曲陳
皮桂枝各五分草薏薏仁六分黃芪人參麻黃帶節各

一錢當歸一錢五分杏仁五個另研一服而愈胃脘痛者客寒犯胃也以草豆蔻九十五丸痛立止再與肝之積藥以除其根遂愈

一婦人血崩不止以當歸蓮花心白綿子紅花茶各一兩剉細以白皮紙裹定泥固燒存性為末加血竭為引用酒下不止加輕粉一錢又不止加射香為引酒下遂止

一婦患崩漏醫莫能効數其症有四十餘種以調經升麻除濕湯治之愈湯見醫學集成

丹溪治一婦三十餘歲墮胎後血不止食少中滿倦怠煩躁脉沈大而數重取微弦作怒氣傷肝感動胃氣以二

陳湯加川芎白朮砂仁二十貼安

王汝言治一婦患胎漏忽血崩甚暈去服童便而醒血頃復暈急服荆芥隨醒隨暈服止血止暈之藥不効忽又嘔吐王以其童便藥汁滿于胃膈也即以手探吐之未後吐出飲食及菜碗許詢之曰適後飯後著惱少頃遂崩不止因悟曰因飽食胃氣不行故崩甚血既大崩胃氣益虛而不能運化宜乎崩暈不止而血藥無効也急用調理脾胃遂用白朮五錢陳皮麥芽各二錢煎一服暈止再服崩止遂專理脾胃藥服十數服胃氣始完後加血藥服之而安若不審其食滯而專用血崩血暈之藥豈不誤哉

婦年踰五十血崩久不止諸藥不効以椽斗蒼耳草根
二物燒存性用四物湯加白芷茅花乾薑煎湯調服其
經血自此而止再不行矣

子和治一婦年五十餘血崩一載愈用澤蘭丸黑神散保
安丸白薇散補之不効戴人曰天癸已盡本不當下血
蓋血得熱而流散非寒也夫女子血崩多因大悲哭悲
哭過甚則肺熱而心系為之急血不禁而下崩內經曰
陰虛陽搏謂之崩陰脈不足陽脈有餘數則內崩血乃
下流舉世以虛損治之莫有知其非者可服火齊火齊
者黃連解毒湯是也次以揀香附子二兩炒白芍藥二
兩焙當歸一兩炮三味同為細末水調下又服檳榔丸

不旬日安

一老婦血崩不止涓滴不絕滿床皆血伏枕三月矣腹滿
如孕作虛挾痰積汚血治之用四物四兩參朮各一兩
甘草五錢以治虛香附三兩半夏半兩茯苓陳皮枳實
宿砂玄胡各一兩以破痰積汚血分二十貼每貼煎乾
荷葉側柏葉湯再煎服之服盡良愈不復發

汪石山治一婦年踰四十形色蒼紫忽病血崩醫者或用
涼血或用止瀉俱罔効診其六脈皆沈濡而緩按之無
力以脈論之乃氣病非血病也當用甘溫之劑健脾胃
胃底幾胃氣上騰血循經絡無復崩矣遂用補中益氣
湯多加參芪兼服參苓白朮散崩果愈

一婦身瘦面黃舊有白帶產後憂勞經水不止五旬餘間或帶下心口熱上身麻下身冷背心脹口鼻乾額角冷小便頻而多大便澇而少食則嘔吐素厭肉味以書求問汪曰雖未見詳其所示多屬脾胃不足令服四君子湯加黃芩炒陳皮神曲歸身二貼紅止白減繼服十餘劑諸症悉除

江汝潔治葉廷傑之內十月病眼若合即麻痺甚至不敢睡屢易醫漸成崩疾江診得左手三部舉之略弦按之略大而無力右手三部舉按俱大而無力經曰血虛肝大如葱管又曰大而無力為血虛又曰諸弦為飲又曰弦為勞據脈觀症蓋由氣血俱虛以致氣不週運而成

麻痺時醫不悟而作火治藥用寒涼過多損傷脾胃陽氣失陷而成崩矣以歲運言之今歲天衝主運風木在泉兩水符合水盛而脾土受虧是以土陷而行秋冬之令以時候言之小雪至大雪之末六十日有奇太陽寒水主令厥陰風木客氣加臨其上木火勝矣經曰甚則勝而不復也其脾大虛安得血不大下乎且脾畏血脾虛則血不歸經而妄下矣法當大補脾經為先次宜補氣祛濕可得漸愈矣以人參三錢黃芪二錢甘草四分防風荆芥白朮各一錢陳皮八分水煎食遠服一劑分作三服不數劑而安

薛邑治一婦人久患血崩肢體消瘦飲食到口但聞腥臊

口出津液強食少許腹中作脹此血枯之症肺肝脾胃
虧損之患用八珍湯烏賊魚骨圓兼服兩月而經行百
餘劑而康寧如舊矣

一婦人面黃或赤時覺腰間或臍下作痛四肢困倦煩熱
不安其經若行先發寒熱兩肋如束其血如崩此脾胃
虧損元氣下陷與相火濕熱所致用補中益氣加防風
芍藥炒黑黃柏間以歸脾湯調補化源血自歸經矣

一婦年五十歲辛丑患崩諸藥罔效壬寅八月身熱肢痛
頭暈涕出吐痰少食衆作火治轉熾絕粒數日淹淹伏
枕僅存呼吸薛診之謂脾胃虛寒用八味丸料一劑使
急煎服然胃虛久始下咽翌早遂索粥數匙再劑食倍

熱減痛止兼服八味丸良愈

歸大化之內患月事不期崩血昏憤發熱不寐或謂血熱
妄行投以寒劑益甚或謂胎成受傷投以止血亦不效
乃延薛診之曰此脾虛氣弱無以統攝故耳法當補胃
而血自止矣用補中益氣加炮薑不數劑而効惟終夜
少睡驚悸另服八物湯更不効復叩諸先生曰襍矣乃
與歸脾湯加炮薑以補心脾遂如初

西園公不知何郡人曾治一婦人年六十一歲患血崩不
止以黃連解毒湯四貼後服涼膈散合四物六貼即愈
此婦因悲哀太過則心悶急肺布葉舉而上焦不通熱
氣在中血走而崩故効醫鑑

江篁南治一婦血崩兩月餘服諸寒涼止血之藥不効且
痰喘乃以人參黃芪各五錢防風麥冬各一錢更加荆
芥穗升麻五味附子一服喘崩減半二服減十之八繼
以豁痰調經之劑治之愈

江應宿治崑山顧氏年四十餘患崩漏兩月餘形瘦唇白
診得氣口緊實乃食傷太陰中焦氣鬱阻滯而然化食
行滯乃愈

龔水部宜人年四十餘患崩漏泄瀉發熱頭痛盜汗自汗
倦怠羸瘦已踰二年醫藥無功逆予診視六脉浮滑弦
數重按豁然無力此氣血俱虛元氣下陷脾虛不能攝
血歸源內虛寒而外假熱投補中益氣人參三錢黃芪

五錢蜜炙加炮薑蔓荊子川芎蒲黃阿膠數劑汗與頭痛
俱止五十餘劑良愈

帶下

東垣治一婦白帶常下，久矣。諸藥不效，診得心胞尺脈極微，白帶尋流而不止，叔和八稟脈微，脈經云崩中日久，爲白帶漏下，多時骨木枯，言崩中者始病，血崩不已，久下則血少復亡，其陽故白滑之物下流不止，是本經血海將枯，津液復亡，枯乾不能滋養筋骨，以本部行經藥爲引用，爲使以太甘油膩之藥潤其枯燥，而滋益津液，以太辛熱之氣味補其陽道，生其血，以苦寒之藥泄其肺而收其上熱傷氣，以人參補之以微苦溫之藥爲佐而益元氣，名曰補經固真湯。其方柴胡根一錢，炙甘草一錢，乾薑細末三錢，陳皮二錢，人參二錢，白葵花七箇。

剪碎郁李仁去皮尖，另研如泥，一錢同煎生黃芩一錢，另入右件除黃芩外，以水二盞煎至一盞七分，再入黃芩同煎至一盞，空心帶熱服之，候少時早膳壓之，一服而愈。

韓飛霞治一婦年三十餘，十八胎，九墮，八夭，又驚憂過甚，遂昏不省人事，口唇舌皆瘡，或至封喉，下部虛脫，白帶如注，如此四十餘日，或時少醒，至欲自縊，悲不能堪，醫或投涼劑解其熱，上則下部疾愈甚，或投熱劑，及以湯藥薰蒸其下，則熱暈欲絕。韓診之曰：此亡陽症也，急以鹽煑大附子九錢爲君，制以薄荷防風佐之，薑桂芍歸之屬，水煎入井水冷與之，未盡劑，鼾鼻熟睡，通宵覺，即能。

識入衆詰其獲効之故韓曰方書有之假對假真對真
耳上乃假熱故以假冷之藥從之下乃真冷故以真熱
之藥反之斯上下和而病解矣繼後主以女金丹錯綜
以二三方不但去疾且調元氣後生二子所謂女金丹
卽勝命丸也得之異人倍加香附而視氣血之偏者又
加薑黃條芩倍川芎之屬取効甚多

此按治病有法用藥有權可
謂知通變者也韓氏醫通

溪治一老婦患赤白帶一年半只是頭暈坐立不又睡
之則安專治帶愈其眩自止

老婦好濕麪至此時得帶下病亦惡寒淋瀝醫與荷花
鬚等藥發熱所下愈甚又與砂仁荳蔻藥以其食少也

腹脹滿氣喘又與葶藶不應又與禹餘糧丸增劇又與
崇土散脉兩手洪瀦輕則弦長而滑實至是喘甚不得
卧此是濕麪釀成濕在足太陰陽明二經水穀之氣爲
濕所抑不得上升遂成帶下淋瀝理用升舉之劑以補
氣和血次之而工反與燥濕宜其輾轉成病遂與人參
生肺之陰以拒火毒白朮以補胃氣除濕熱行水道挑
仁去汚生新郁李行積水以通草佐之犀角解食毒消
腫滿檳榔治最高之氣作濃湯調下保和丸又以素秦
養有肉積加阿魏小丸同嚙之四五日後氣漸消腫漸
下又加補腎丸以生腎水之真陰漸有向安之勢得睡
食有味乃加與點丸驅逐肺家積熱而愈

子和治一婦病帶下連綿不絕已三年矣診其兩手脉俱滑大而有力約六七至當上熱痰飲眩暈時嘔酢水知其實有寒痰在胃中以瓜蒂散吐訖冷痰二三升皆酢水也間如黃涎狀如爛膠次以漿粥養其胃氣又次用導水丸攻以瀉其下然後以淡劑滲泄之藥利其小便數日而愈

一婦病白帶下如水窈漏中綿綿不絕穢臭之氣不可近面黃食減已三年矣諸醫皆云積冷用石硫黃薑附之藥重重燥補汚水轉多戴斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃漏痰水二三升次日下汚水十餘行二次

汗出周身自明且病人云汚已不下矣次用寒涼之劑服及半載產一子

吳菱山治一婦人久患白帶瘦削無力倦怠欲睡腰痠腿痛飲食無味面黃日晡煩熱小便淋瀝以歸身茯苓各一錢炒芍藥地骨皮白朮川芎人參各八分黃芩鹿角膠各一錢其膠若濕者入五茶匙炙甘草熟地黃車前子各五分棗二枚入水煎服數服而愈後治數婦皆驗程明祐治一婦病帶下不止醫投調經劑血愈下復投寒涼藥遂下泄肌肉如削不能言四肢厥逆程診其脉細如絲曰陽氣微而不能營陰法當溫補陽生則陰長而血不下漏遂以人參二兩附子三片濃煎一服手足微

溫再服思食繼服八珍四十劑愈

薛立齋治一婦人年踰六十內熱口乾勞則頭暈吐痰帶下或用化痰行氣前症益甚飲食愈少肢體或麻或眩服祛風化痰散肢體常麻手足或冷或熱日漸消瘦薛曰症屬脾氣虛弱而不能生肺祛風之劑復損諸經也當滋化源遂用補中益氣加茯苓半夏炮薑二十餘劑脾氣漸復飲食漸加諸症頓愈

一婦人腹脹脇痛內熱晡熱月經不調肢體痠麻不時吐痰或用清氣化痰喉間不利帶下青黃腹脇膨脹用行氣之劑胃膈不利肢體時麻此鬱怒傷損肝脾前藥益甚也朝用歸脾湯以解脾鬱生脾氣夕用加味道邊散

以生肝血清肝火兼服百餘劑而諸症愈

一婦人頭暈吐痰胃滿氣喘得食稍緩苦于白帶二十餘年矣諸藥不應薛曰此氣虛而痰飲也飲愈而帶始愈遂用六味地黃丸不月而驗

一婦人耳鳴胃痞內熱口乾喉中若有核吞吐不利月經不調兼之帶下薛以為肝脾鬱結用歸脾湯加半夏山梔升麻柴胡間以四七湯下白丸子而愈

一婦人吞酸胃滿食少便泄月經不調服法製清氣化痰丸兩膝漸腫寒熱往來帶下黃白面黃體倦此脾胃虛濕熱下注用補中益氣倍用參朮加茯苓半夏炮薑而愈若因怒發熱少食或兩腿赤腫或指縫常濕用六君

加柴胡升麻及補中益氣

一婦年踰六十帶下黃白因怒胃膈不利飲食少思服消導利氣之藥反痰喘胃滿大便下血薛曰此脾氣虧損不能攝血歸源用補中益氣加茯苓半夏炮薑四劑諸症頓愈又用小珍加柴胡炒梔子而安

仲問曰婦人年五十所病下利數十日不止暮積熱小腹裏急腹滿手掌煩熱唇口乾燥何也師曰此病屬帶下何以知曾經半產瘀血在小腹不去何以知之其症唇口乾燥故知之以溫經湯主之以吳茱萸三兩當歸川芎芍藥人參桂枝阿膠牡丹皮生薑甘草各二兩半夏半升麥冬一升以水一斗煮取三升分溫三服亦主婦

人少腹寒久不受胎兼取崩中去血或月水來過多及至期不來

丹溪東垣滄洲有帶下按附在便濁條中可參看

求子

張子和治一婦爲室女時心下有冷積如覆盆按之如水聲以熱手熨之如冰于歸十五年不孕其夫欲黜之張曰可不必出若用吾藥病可除孕可得從之診其脈沈而遲尺脈洪大有力非無子之候也乃先以三聖散吐痰一斗心下平軟次服白朮調中湯五苓散後以四物湯和之不再月氣血合度數月而孕二子張嘗曰用吾此法無不子之婦信然

一婦年踰三十夜夢鬼交驚怕異常及見神堂陰府舟楫橋梁如此一十五年竟無姙娠巫祈覲禱無所不至鍼肌灸肉孔穴萬千黃瘦發熱引飲中滿足腫張曰陽火

盛于上陰水盛于下鬼神者陰之靈神堂者陰之所舟楫橋梁水之用兩手寸脈皆沈而伏知胃中有痰實也凡三涌三泄三汗不旬日而無夢一月而孕張曰予治婦人使有孕真不誣哉

少傅穎陽許相公年五十八歲如夫人年近三旬從來十二年不孕相公欲其有子命宿診視六脈和緩兩尺大而有力告曰此宜子之象也嘗診相公脈沈而緩知精血欠充實耳宜服大補精血藥市得麋鹿二角煎膠製斑龍二至丸一料服未週年而孕次年生公子

尚寶少卿徐孺東公年五十餘有寵九年不孕聞前藥效亦命製前丸服之十個月而孕得一子後以此方與高

年艱子嗣者服之多効

宿曰此雖偶中實有至理存焉月令仲夏鹿角解仲冬麋角解鹿以夏至墮角而應陰麋以冬至墮角而應陽鹿肉煖以陽為體麋肉寒以陰為體以陽為體者以陰為末以陰為體者以陽為末末者角也故麋茸補陽利於男子鹿茸補陰利於婦人王楙所著甚明今合二角為二至乃峻補精血之良藥男婦俱可服此以血補血非一切草木之可比也男子精盛則思室女人血盛則懷胎安得不孕

娠症

附男女辨驗

博陵醫之神者曰郝翁士人陳堯遵妻病瘵醫以為勞傷郝曰亟屏藥是為娠症且賀君得男子已而果然又二婦人姓一咽嘿不能言郝曰見胎大經壅兒生經行則言矣不可毒以藥一極壯健郝診其脉曰母氣已死所以生者反恃兒氣耳如期子生母死

孕婦不語非病也聞如死者不須服藥庶產但日服保生丸四物湯之類產後便語亦自然之理非藥之功也

一婦暴渴惟飲五味汁各醫耿隲診其脉曰此血欲凝非疾也而果孕古方有血欲凝而渴飲五味之症不可不知也

徐文伯從宋後廢帝出樂遊苑門逢一婦人有娠帝以善
診之曰此腹是女也問文伯曰腹有兩子一男一女男
左邊青黑形小於女帝性急便欲剖臍文伯惻然曰若
刀斧恐其變異請針之立墮便瀉足太陰補手陽明胎
便應針而落兩兒相續出果如其言

潘環診虞部員外郎張咸之妻孕五歲南陵尉富昌齡妻
孕二歲團練使劉彝孫妾孕十有四月皆未育溫叟視
之曰疾也凡醫妾以為有孕爾於是與破血攻毒作大
劑飲之虞部妻墮肉塊百餘有眉目狀昌齡妻夢二童
子色漆黑倉卒怖悸疾走而去孫妾墮大蛇猶蜿蜒未
死三婦皆無恙

壺仙翁浴湯總兵夫人妊娠病痢不止翁診其脉虛而滑
兩關若瀉由此胎氣不和相火炎上而有熱似痢實非
也乃用黃芩白朮以安胎四物生地以調血數劑而安
陳斗嵩治葉南洲妻經閉五月下白或赤午後發熱咳嗽
嘔吐醫以為勞瘵陳視之曰兩尺脉皆實此必有孕外
受風邪搏激故耳飲清和之劑而安未半年生一子
薛立齋治一妊娠三月其經月來三五次但不多飲食精
神如故此血盛有餘兒大能飲自不來矣果然
一妊娠六月每怒氣便見血甚至寒熱頭痛脇脹腹痛作
嘔少食薛謂寒熱頭痛肝火上衝也脇脹腹痛肝氣不
行也作嘔少食肝侮脾胃也小便見血肝火血熱也用

小柴胡加芍藥炒黑山梔茯苓白朮而愈

一婦人每怒發發熱脇脹小便淋瀝每月經行旬餘未已受胎三月因怒前症復作朝用加味道遙散夕用安胎飲各二劑而安五月又怒復作下血如經行四日未止仍用前藥而愈

一姪娘飲食後惱怒寒熱嘔吐頭痛惡寒胃腹脹痛大便不實面色青小便頻數而有血薛曰當清肝健脾為主不信乃主安胎止血益甚問薛曰何也薛曰大便不實而或青此是飲食既傷脾土而兼木侮小便頻數而有血此是肝火血流于胞而兼撻癢也用六君子加枳殼紫蘇山梔二劑脾胃頓醒又用加味道遙散加紫蘇枳

殼二劑小便頓清更節飲食調理而安

一姪娘每至五月肢體倦怠飲食無味先兩足腫漸至遍身後及頭面此是脾肺氣虛朝用補中益氣夕用六君子加蘇梗而愈凡治姪娘母泥其月數但見其經症便用其藥為善

一姪娘因怒吐血塊四日不止兩脇脹痛小便淋瀝此怒而血畜于上部火炎而隨出也脇脹腹痛小便淋瀝肝經本病也用小柴胡合四物四劑而止却用六君子安胎飲調理而安

一姪娘氣喘痰甚諸藥不効詢之云素有帶下始于目下浮兩月餘其面亦然此氣虛有痰飲也用六味丸料數

劑而愈

王敏治婦人患月事不下醫謂蠱者敏曰是當娠與之保胎之劑果得男

吳丞妻孕而驚遂病悸醫以為病在中神越焉無可為沈宗常以為膽傷耳俾服抱膽丸愈

薛已治一姪婦悲哀煩燥用淡竹茹湯為主佐以八珍湯而安

程文淑治孕婦七個月曾膈飽悶氣喘忽吐出一物如小腸寸許舉家驚疑其胎爛程至診得寸口脉洪滑知其氣盛血少胎氣凌上中焦富有濕熱濕生痰知所吐之物乃痰結聚病名子懸以紫蘇飲加芩連貝母十劑獲

姦

宿述世俗有家業薄而厭子嗣多懷孕而用打胎藥殊不知瓜熟蒂落打胎毒藥損壞正氣然後痿落如生菓未成熟強摘猶刀割臍腸大傷氣血多致喪命戒之戒之

轉胞

丹溪治一婦年四旬孕九月轉胞小便閉三日矣脚腫形
痺左脉稍和而右澁此必飽食氣傷胎系弱不能自舉
而下墜壓膀胱偏在一邊氣急為其所閉所以水竅不
能出也當補血養氣血氣一正系胎自舉以參朮歸尾
芍藥帶白陳皮炙甘草半夏生薑濃煎服四貼任其吐
號次早以四貼粗作一服煎頓飲探吐之小便大通皆
黑水後遂就此方加大腹皮炒枳殼青葱葉砂仁作二
十貼與之以防產前後之虛果得平安產後亦健
一孕婦七月小便不通百醫不得利轉加急脹脉細弱乃
氣血虛不能乘載其胎故胎壓膀胱下口所以溺不得

出用補藥升起恐遲反加急滿遂令穩婆以香油抹手
入產戶托起其胎溺出如注脹急頓解却以參芪升麻
大劑服之或少有急滿再托如前予聞一法將孕婦到
滲出勝于手托多矣

丹溪曰轉胞病胎婦之稟受弱者憂悶多者性急躁者食
味厚者大率有之古方皆用滑利疎導藥鮮有應効因
思胞不自轉為胎所墮展在一邊胞系了戾不通耳胎
若舉起懸在中央胞系得疏水道自行然胎之墜下必
有其由一日吳氏寵人患此脉之兩手似瀆重取則弦
然左手稍和曰此得之憂患瀆為血少氣多弦為有飲
血少則胞弱而不能自舉氣多有飲中焦不清而溢則

胞知所避而就下故墜遂以四物加參朮半夏陳皮生
甘草生薑空心飲隨以指探喉中吐出藥汁候少頃氣
定又與一貼次早亦然如是與八貼而安此法初疑偶
中後屢用皆效仲景云婦人本肌肥盛頭舉自滿今反
羸瘦頭舉中空胞系了矣亦致胞轉但利小便則愈宜
服腎氣丸以中有茯苓故也地黃為君功在補胞或腰
腹痛亦屬腎虛宜下
裁壯丹皮服之

交腸

丹溪治一婦人年五十嗜酒痛飲不醉忽糟粕出前或尿
溺出後或脉沈瀦與四物湯加海金沙木香檳榔木通
桃仁八貼安
一婦患此破漆紗帽燒灰米飲下愈
一人患前症用舊幘頭燒灰酒調下五分愈

惡阻

丹溪治一婦孕兩月嘔吐頭眩醫以參朮川芎陳皮茯苓服之愈重脉弦左為甚而且弱此惡阻病必怒氣所激問之果然肝氣既逆又挾胎氣參朮之補大非所宜以茯苓湯下抑青丸二十四粒五服稍安脉略數口乾苦食則止酸意其膈間滯氣未盡行以川芎陳皮山梔生薑茯苓煎湯下抑青丸十五粒而愈但口酸易饑此肝熱未平以熱湯下抑青丸二十粒至二十日而愈後兩手脉平和而右甚弱其胎必墮此時肝氣既平可用參朮遂以初方預參朮等補之防墮胎以後之虛服一月而胎自墮却得平安矣

一婦孕三月吐痰水并飲食每日寅卯作作時覺小腹有氣冲上然後膈滿而吐面赤微燥頭眩卧不能起肢疼微渴蓋肝火挾衝脉之火冲上也一日甚二日輕脉和右手寸高藥不効者將二月餘偶用沈香磨水化抱龍丸一服兩寬氣不上冲二三服吐止眩減退而安

一孕婦七月嘈雜吐食眩聾心下滿塞氣攻肩背而時背痛要人不住手以熱物摩熨得吐稍踈脉大以炒條芩二錢半白朮半夏各二錢炒黃連炒梔子炒枳殼當歸陳皮香附蒼朮各一錢人參茯苓各錢半砂仁炙甘草各五分生薑七片服二貼後嘈雜吐止心滿塞退但于夜間背肘之痛用摩熨遂與抱龍丸水化服之其疾如

失

汪石山治一婦形質瘦小面色近紫產後年餘經水不通
首夏忽病嘔吐手指麻痺拳不能伸展聲音啞小歲不
出聲醫皆視為風病危之証診脈皆細微近滑曰此姪
娠惡阻病也眾謂經水不通安有姪理汪曰天下之事
有常有變此乃事之變也脈雖細微似近于滑又尺按
不絕乃姪娠也遂以四君子加二陳治之諸症俱減尚
畏粥湯惟食乾糕香燥之物而有生意

給事游讓溪夫人病新愈月餘經事不行嘔噦眩暈飲食
艱進醫以為二陽之病發心脾女子不月法在不治華
南診之尺脈雖小按之滑而不絕此姪而惡阻非凶候

也六君加砂仁數服而安後產一女

薛已治一婦孕三月嘔吐惡食體倦嗜卧此惡阻之症用
人參橘皮湯二劑漸愈又用六君加紫蘇二劑而安
一姪娠吞酸惡心欲作嘔吐此飲食停滯用六君加麴蘖
炒黑子芩枳殼香附治之而愈

胎水胎腫

一妊婦腹脹小便不利吐逆諸醫雜進溫胃寬氣等藥服之反吐轉加脹滿湊心驗之胎死已久服下死胎藥不能通因得鯉魚湯其論曰妊婦通身腫滿或心胃急脹名曰胎水遂去妊婦曾前看之曾肚不分急以鯉魚湯三五服大小便皆下惡水腫消脹去方得分娩死胎此症蓋因懷妊腹大不自知覺人人皆謂妊娘孕如此終不知胎水之患也 濟生方

一婦年三十八妊娘水腫以鯉魚湯加五苓散人參濕加蒼朮一錢厚朴陳皮五分蘿蔔子炒車前子滑石各一錢作一貼若喘急加苦葶藶小便不利加木通燈草甚

者車前子滑石散其濕毒自消防已治腰已下濕熱腫如內傷胃弱者不可用也

胎漏

丹溪治一婦人年二十餘三個月孕發瘧疾後淡血水下腹滿口渴以白朮白芍茯苓各一錢黃芩歸尾川芎陳皮各五分炙甘草二分

一婦年三十餘孕八九箇月漏胎不止胎比前時稍寬收小腹血色微紫有塊食減平時三之一腹微痛無情緒以人參白朮白芍各一錢陳皮川芎茯苓縮砂木腹皮各三分香連藤七葉同煎食前下三勝丸五十粒

江壽字明遠婺人以醫名家先是城東有古木鶴巢其顛有年矣明遠一日見人緣木得所伏二卵而下就買之且飲食之俾復以歸于巢微傷矣其鶴每歸雄鳴雌和

忽連日無聲江登樓望惟見雌伏又越二三日聞其和鳴則雄歸矣越月而雛生忽二鶴俱飛至藥局遺一草而去江取視之紅藤纏繞根葉猶潤乃值之適夏四月香會有雲遊道人見所植驚曰此漏胎藥也海外方有之安所得此乎及寶祐間診御脉公主下嫁后得漏胎疾江以藤和劑果効先是鶴遠取以纏破卵也

江應宿治王祠部安人孕三月腰腹遍痛漏下不止氣湧脹悶速予診視六脉弦數平昔脉極沈細此必怒動肝火挾相火而生內熱喜脉不滑未至離經猶可保矣以條芩白朮枳殼香附茯苓阿膠白芍當歸陳皮煎調鹿角煨酒淬細末一錢更進抑青丸一服痛已數服平復

一姙娘六月體倦食少勞役見血用六君加當歸熟地升麻柴胡而愈

墮胎

丹溪治一婦有胎至三個月左右即墮其脉左大無力重取則瀦乃血少也以其妙年只補中氣使血自榮時正初夏濃煎白朮湯調黃芩末一錢服之至三四兩得保全而生

一婦年三十餘或經住或成形未具其胎必墮察其性急多怒色黑氣實此相火火盛不能生氣化胎反食氣傷精故也因令住經第二月用黃芩白朮當歸甘草服至三三月盡止藥後生子

一婦經住三月後尺脉或瀦或微弱其婦却無病知是子宮真氣不全故陽不施陰不化精血雖凝終不成形至

產血塊或產血胞

一婦腹漸大如懷子至十月求易產藥察其神色甚困難
與之藥不數日生白虫半桶蓋由婦之元氣太虛精血
雖凝不能成胎而為穢腐蘊積之久濕化為熱濕熱生
蟲理之所有亦須周十月之氣發動而產終非佳兆其
婦不及月死濕熱生虫譬之溝渠污濁積久不流則諸
蟲生于其間矣

石山治一婦長瘦色黃白性燥急年三十餘常患墮胎已
七八見矣診其脉皆柔軟無力兩尺雖浮而弱不在尋
按曰此因胎墮太多氣血耗甚胎無滋養故頻墮譬之
水滴禾枯土削而木倒也况二月五月正屬少陽火

動之時加以性燥而急發之故墮多在三五七月也宜
太補陰湯去桂加黃柏黃芩煎服仍用研末蜜丸服之
庶可保生服半年胎固而生二子

錢仲陽治一孕婦病醫言胎且墮錢曰娠者五藏傳養率
六旬廼更候其月偏補之何必墮已而母子皆全

陳斗嵩治一婦有胎四月墮下逾旬腹腫發熱氣喘脉洪
盛面赤口鼻舌青黑陳診之曰脉洪盛者胎未墮也面
赤心火盛而血乾也舌青口鼻肝既絕而胎死矣內外
皆曰胎墮久矣復診色脉如前以蛇蛻煎湯下平胃散
加芒硝歸尾一倍服之須臾腹鳴如雷腰腹陣痛復一
死胎墮下病亦愈

程仁甫治一婦年近四十稟氣素弱自去其胎五日內漸
漸腹脹如鼓至心前上吐不能食用補藥不効診六脉
微弱但只叫脹死此乃損傷脾氣而作脹雖然當急則
治其標也若泥用丹溪方法恐緩不及事矣用挑仁承
氣加朴實倍硝黃煎服四分吐去其一至次日早仍不
通事急又服琥珀丸三錢至申時大通脹減但體倦四
肢無力口不知味發熱再用參芪歸芍木陳查煎服八
劑而安

薛立齋治一姪娘五月服煎紅丸而墮腹中脹痛服破血
之劑益甚以手按之益痛薛曰此峻藥重傷脾胃受患
用八珍倍入參黃芪半夏乳香沒藥二劑而痛止數劑

全愈

一婦素怯弱四月生女自乳患疥瘡年餘不愈遂致羸困
五月勉強執姑喪禮旬月每欲眩暈一日感氣忽患心
脾高腫作痛手不可按而嘔吐不止六脉微細之極醫
以爲脉雖虛而病形則實誤認諸痛不可補氣乃用青
皮香附吳茱萸等藥而愈繼復患瘡且墮胎又求理氣行
氣之劑病去元氣轉脫再投參芪補劑不應矣六脉如
系欲絕薛診云皆理氣之劑損真之誤也連投參芪歸
木附子薑桂六劑間用八味丸五日眠食漸甘六脉全
復薛云心脾疼痛時即當服此等藥瘡亦不作矣
江篁南治一婦人墮胎後血不止食少中滿倦怠煩燥脉

沈大而數重取漸弦乃作怒氣傷肝感動胃氣以二陳湯加川芎白朮砂仁二十貼而安

江應宿治汪鎬妻年三十五歲厭產誤服打胎藥下血如崩漏旬餘腹痛一陣卽行或時鼻衄諸藥不効予診得六脈數而微弦乃厥陽之火泛逆投四物換生地加阿膠炒黑山梔子蒲黃一劑而愈

內熱而虛致墮者居多蓋孕至三五月上屬少陽相火所以易墮不然何以黃芩白朮阿膠等爲安胎之聖藥

胎產併病

政和中蔡魯公之孫婦有孕及期而病國醫皆以爲傷寒懼胎墮不敢投涼劑張銳視之曰兒嬰胎十月將至矣何藥之能敗卽以常法與藥且使倍服之半日而兒生病亦失去明日婦大泄而喉閉不入食衆醫復指其疵且曰二疾如冰炭又產葶甫近雖司命無若之何張曰無庸憂將使卽日愈乃取藥數十粒使吞之咽喉卽通下泄亦止及滿月魯公酌酒爲壽曰君術通神吾不敢知敢問一藥而愈二疾何也張曰此于經無所載特以意製之向者所用乃附子理中丸畏以柴雪兩方喉閉不通非至寒藥不爲用旣以下咽則什消無餘其

得至腹中者附子力也故一服而兩疾愈公大加嘆異

志 夷堅

愚嘗聞一婦寒月中產後腹大痛覺有塊百方不洽一人
教以羊肉四兩熟地黃二兩生薑一兩水煎服之
次愈

胎熱

一婦將臨月兩自忽然失明不見燈火頭痛眩暈項臃腫
滿不能轉頭諸治不差反加危困偶得消風散服之
產須病減七八獲安分娩其眼吊起人物不辨乃以四
物湯加荆芥防風更服眼科天門冬飲子二方間服目
漸稍明大忌酒麪煎炙鷄羊鵝鴨豆腐辛辣熱物并房
勞蓋此症因懷妊多居火間衣著太煖伏熱在內或酒
麪炙燂熱物太過以致胎熱也

石山治一婦懷妊八月嘗病腰痛不能轉側大便燥結醫
用人參等補劑痛益加用硝黃通利之藥燥結雖行而
痛如故汪診之脈稍洪近駛曰血熱血滯也宜用四物

加木香乳沒黃柏火麻仁煎服四五貼痛稍減燥結潤
復加發熱面赤或時惡寒仍用前方去乳沒黃柏加柴
胡黃芩服二貼而寒熱除又昔心覺寒腰痛復作汪曰
血已利矣可于前方加入人參一錢服之而安
江寧南治一婦姪娘三個月因閃挫傷胎腰痛小腹疼下
血內有熱用當歸白朮黃芩上熟地川芎防風砂仁中
艾葉上香附下右用永煎服血止小腹不痛去砂仁又
用雞子黃三個以酒攪化煮熟食之即痊

難產

淳于意治雷州王美人懷子而不乳來召臣意意往飲以
葭藶藥一撮以酒飲之旋乳意復診其脈而脈躁躁者
有餘病即飲以消石一齊出血血如豆比五六枚
滑伯仁治一婦人產難七日而不乳且食甚少伯仁視之
乃以涼粥一盂搗碎楓葉煎湯調啖之旋乳或詰其理
滑曰此婦食甚少未有無穀氣而能生者夫楓葉先生
先落後生後落故以作湯飲也

丹溪曰世之難產者往往見于醫問安佚之人富貴奉養
之家若貧賤辛苦者無有也方書只有瘦胎飲一論而
其方為湖陽公主作也實非極至之言何者見有此方

其難自若予族妹苦于難產後遇孕則觸而去之予甚憫焉視其形肥而勤于女工構思旬日悟曰此正與湖陽公主相反彼奉養之人其氣必實耗其氣使和平故易產今形肥知其氣虛久坐知其不運而其氣愈弱久坐胞胎因母氣不能自運耳當補其母之氣則兒健而易產今其有孕至五六箇月遂于大千方紫蘇飲加補氣藥與十數貼因得男而甚快後遂以此方隨人之形色性稟參以時令加減與之無不應者因名其方曰大達生散

龐安常治一婦將產七日而子不下百治不效龐視之令其家人以湯溫其腰腹自爲上下拊摩孕者覺腸胃微

痛呻吟間生一男子其家驚喜而莫知所以龐曰兒已出胞而一手誤執母腸不能復脫故非符藥所能爲吾隔腹捫兒手所在針其虎口痛即縮手所以遽生無他術也取兒視之右手虎口針痕存焉

一婦累日產不下服催生藥不效龐曰此必坐草太早心下懷懼氣結而不行非不順也素問云恐則氣下蓋恐則精神怯怯則上焦閉閉則氣逆逆則下焦脹氣乃不行矣以紫蘇飲一服便產及婦人六七月子懸者用此往往有效不數日胎便下其方紫蘇葉一兩大腹皮人參川芎陳皮白芍各五分當歸三分甘草一分細切分作三服每服以水一盞半生薑四片葱白七寸煎七分

空心服

陳良甫治一婦有孕七箇月遠歸忽然胎上沖心而痛坐
卧不安兩醫治之不效遂言胎已死矣已用葶麻子研
爛加射香調貼臍中以下之甚危急陳診視兩尺脉絕
他脉平和陳問醫作何症治之答曰死胎也陳曰何以
知之曰兩尺脉沈絕陳曰誤矣此子懸矣若是胎死却
有辨處面赤舌青子死母活面青舌赤母死子活唇口
俱青母子俱死今面不赤舌不青其子未死是胎上迫
心宜紫蘇飲治之至十點而胎乃下

吳楚山治一婦產難三日不下服破血行經之藥俱罔效
吳製一方以車前為君冬葵子為臣白芷枳殼為佐使

已服午產眾醫異之吳曰本草謂催生以此為君毛詩

祿芣苢以防產難

其詳諸症辨疑可考

盛起東為御醫侍禁掖忽夜半召入宮錦帳中出手按脉
盛曰六脉已離經此必母后將分娩但子抱母心非針
不能下且難兩全中使具狀聞上曰俟母后商之后曰
得子可安天下全我何為命用鍼鍼出即生太子是為

宣宗

劉復真遇府判女產不利已斂劉以紅花濃煎扶女于甃
上以綿帛蘸湯過之連以澆帛上以器盛水又煖又淋
久而甃醒遂生男子蓋遇嚴冬血冷凝滯不行溫則產
見亦神矣哉

薛立齋治地官李孟卿娶繼室年方十五孕慮其難產與
加味芎歸湯四劑備用果產門不開服之乃產

西賓費懷德之室下血甚多產門不開兩日未生服前藥
一劑即時而產後育胎並無此症費傳與服者皆效

一婦人分娩最易至四十一姪娘下血甚多產門不開亦與
前湯一劑又用無憂散斤許一劑煎熟時時飲之以助
其血而產

一醫宿客匠值店婦數日不產下體已冷無藥甚窘以椒
橙菜更等煎湯可下手則和臍腹人門麩皆淋洗之氣
溫血行遂產

石山治一婦常患橫生逆產七八胎矣子皆不育汪診脈

皆細澁頗弦曰此氣血兩虛兼熱也或曰氣血有餘方
成姪娘氣血既虧安能胎耶汪曰觀其形長瘦而脈細
濡屬于氣血兩虛色青脈弦屬于肝火時熾而兩尺淨
滑似血虛為輕而氣虛為重也宜以補陰丸除陳皮倍
加香附參芪蜜丸服之常令接續踰年臨產果順而育
一子

胡陽公主難產方士進枳殼四兩甘草二兩為細末每服
空心一錢匕如茶點服自五月後一日一服易產仍無
胎中諸患此與富室安逸奉養厚者宜耳

于法開善醫術嘗行募投主人妻產而兒積日不墮開曰
此易治耳殺一肥羊食十餘鬻而針之須臾羊管暴兒

出精妙如此焦氏類林

盤腸產

趙都運恭人每產則子腸先出然後產子產後其腸不取甚以為苦名曰盤腸產醫莫能療偶在建昌得一生婆施法而收之其法以醋半盞新汲冷水七分碗調停喫產母面每喫一縮三喫收盡此良方也

宿按盤腸產乃中氣虛努力脫出與脫肛同宜於懷孕時多服補中升提藥庶幾可免若脫出多取麻油抹之勿令見風以葶麻子四十九粒去殼搗爛貼產婦頂心服補中益氣加升麻勝於冷水喫面多矣

胎前胎忌

蔡昌高八舍家軒墀間畜龜數年生育至百餘其家產子
四五人皆龜背偃僕蓋孕婦感其氣所致

至正末越有夫婦二人於大善寺金剛神側縛葦而居其
婦產一子首兩肉角鼻孔昂縮類所謂夜叉形蓋產婦
依止土偶便稟得此形古人胎教不可不謹

陳白雲家籬落間植決明家人摘以下茶生三子皆短而
跛而王氏女甥亦跛予皆識之又會稽民朱氏一子亦
然其家亦嘗種之悉拔去錄罪雪

房室之戒多矣而天變為尤月令先雷三日奮木鐸以令
兆民曰雷將發聲有不戒其容止者生子不備必有凶

災謂其瀆天威也今人之生子而形殘體缺者又安知
其不犯斯禁耶為人父母者宜識之噫迅雷風烈必變
豈有是哉雜記

胎婦飲食忌

雞肉合糯米食令子生寸白蟲 食犬肉令子無聲
 鱸鯉同鷄子食令子生痔多瘡 兔肉食之令子缺唇
 羊肝令子多厄難 鼈肉令子短頸 鴨子與桑椹同
 食令子倒生心寒 鱈魚同田鷄食令子瘡痘 雀肉
 合薑醬同食令子面生雀斑黑子 食螃蟹橫生 食
 子薑令子多指生瘡 食水漿冷絕產 食雀肉飲酒
 令子多婦無耻 食葶苈消胎氣 乾薑蒜鷄毒胎無
 益 粘膩難化傷胎 食山羊肉子多病 無鱗魚勿
 食 菌有大毒食之令子風而夭 食雀腦令子雀自

藥物忌

玃斑水蛭及蟲蟲
 野葛水銀并巴豆
 三稜代赭荒花麝
 牙硝芒硝牡丹桂
 半夏南星與通草
 硼砂乾漆兼桃仁

烏頭附子配天雄
 牛膝薏苡與蜈蚣
 大戟蛇蛻黃雌雄
 槐花牽牛皂角同
 瞿麥乾薑蟹甲爪
 地膽茅根莫用好

起居忌

勿亂服藥勿過飲酒勿妄針灸勿向非常地便勿墜重
 登高涉險心有大驚犯之產難子疾病勿多睡卧時時
 行步體虛腎氣不足生子解顛腦破不合宜溫補脾胃
 不和榮衛虛怯子必羸瘦自家及隣家修造動土犯其

胎氣令子破形殞命刀犯者形必傷泥犯者竅必塞打
擊者色青黯繫縛者相拘攣有此等驗如影響切宜避
之便產須知

胎死作喘

呂散洲治經歷哈散侍人病喘不得卧衆作肺氣受風邪
治之呂診之氣口盛于人迎一倍厥陰弦動而疾兩尺
俱短而離經因告之曰病蓋得之毒藥動血以致胎死
不一奔迫而上中非風寒作喘也乃用催生湯加芎歸
煮二三升服之夜半果下一死胎喘即止哈散密囑曰
病妾誠有懷以室人見嫉故藥去之衆所不知也衆慚
而去

洪州曾通仕爲豐城尉家有猫孕五子一子已生四子死
腹中腹脹啼叫欲死醫教以朴消爲細末二錢溫童便
調下死子即下猫得不死後有一牛亦如此用此法亦

活此本治人方用以治畜亦効後以治人常驗信効方

產後

丹溪治一婦面白形長心鬱半夜生產侵晨暈厥急灸氣
海十五壯而甦後以參朮等藥服兩月而安此陽虛也
一產婦因收生者不謹損破尿胞而致淋瀝不禁因思肌
肉破傷在外者尚可完補胞雖在腹恐亦可活診其脉
虛甚蓋難產因氣血虛故產後尤虛試與峻補以參朮
爲君芎歸爲臣桃仁陳皮黃芪茯苓爲佐以猪羊胞煎
湯熬藥汁極飢飲之一月而安蓋氣血驟長其脾卽完
卽恐稍遲亦難成功也
一產婦陰戶一物如帕垂下或有角或二歧俗名產類宜
大補氣以升提之以參芪朮各一錢升麻五分後用川

歸方藥甘草陳皮調之

一婦年三十餘產二日產戶下一物如手帕有二尖約重一斤餘此胎前因勞後傷氣成肝癆所致却喜不甚虛其時天寒急與炙黃芪白朮升麻各五分參歸各一錢連與三貼即收上得汗通身乃安其粘席凍乾者落一片約五六兩蓋脂膜也脈瀦左略弦形實與白朮芍藥當歸各一錢半陳皮一錢薑一片二三貼養之

一婦產後陰戶下一物如合鉢狀有二歧此子宮也氣血弱故隨子而下用升麻當歸黃芪大劑服二次仍用皮工之法以五倍子作湯洗濯皴其皮後覺一響而收入但經宿著席破落一片如掌大心甚恐朱曰非腸胃比

也肌肉破尚可復完以四物加入參數十貼三年後復生一子

一產婦年三十餘正月間新產十餘日左脚左手發搐氣喘不眠面起黑氣口臭脈浮弦而沈瀦右爲甚意其受濕詢之產前三月時常喜藥湯茶水遂以黃芪荆芥木香滑石蒼白朮檳榔陳皮川芎甘草芍藥四服後加桃仁又四服而瀦瀦有聲大下水晶塊大小如鷄子黃與蝌蚪者數十枚而愈乃去荆芥檳榔滑石加當歸茯苓調理其血四十貼而安

一婦產後胃虛哭多血再下身潤脈沈以當歸白朮各三錢陳皮芍藥川芎生乾薑各二錢炙草少許分二貼

一婦因憂慮墮胎後兩月餘血不止腹痛此體虛氣滯惡
物行不盡以白朮二錢陳皮芍藥各一錢木通川芎各
五分炙草二分作湯下五芝丸六十粒食前

滑伯仁治一產婦惡露不行臍腹痛頭疼身寒熱眾皆以
爲感寒溫以薑附益大熱手足搐搦語謔目攛診其脉
弦而洪數面赤目閉語喃喃不可辨舌黑如烙燥無津
潤胃腹按之不勝手蓋燥劑搏其血內熱而風生血蓄
而爲痛也曰此產後熱入血室因而生風卽先爲清熱
降火治風涼血兩服頗爽繼以琥珀牛黃等稍解人事
後以張從政三和散行血破瘀三四服惡露大下如初
時產已十日矣于是諸症悉平

一婦新產受寒四肢逆冷脉沈弱亟合附子大丸三四粒
餌之立効

一婦盛暑月中產三日發熱其脉虛疾而大惡露不行敗
血攻心狂言叫呼奔走拏捉不住以乾荷葉生地黃牡
丹皮濃煎湯調下生蒲黃二錢一服卽定惡露卽下遂
安

一產婦鬱胃脉微弱不能食大便反堅但頭汗出所以然
者血虛而厥厥而必冒胃家欲解必大汗出以血虛下
厥孤陽上出故頭汗出所以產婦喜汗出者亡陰血虛
陽氣獨盛故當汗出乃大便堅嘔不能食小柴胡湯主

之
即
暈

汪石山治一婦產後滑泄勺水粒米弗容時卽泄下如此
半月餘衆皆危之或用五苓散平胃散病益甚汪診之
脈皆濡緩而弱曰此產中勞力以傷其胃也若用湯藥
愈滋胃濕非所宜也令以參苓白朮散除砂仁加陳皮
肉荳蔻煎薑棗湯調服旬餘而安

婦產後時發昏瞶身熱汗多眩暈口渴或時頭痛惡心
醫用四物涼血之劑病不減復用小柴胡病益甚汪診
之脈皆浮洪搏指汪曰產後而得是脈又且汗多而脈
不爲汗衰法在不治所幸者氣不喘不作泄耳其脈如
是恐爲涼藥所激也用人參三錢黃芪二錢甘草當歸
各七分白朮門冬各一錢乾薑陳皮黃芩各五分煎服

五劑脈斂而病漸安

吳楚山治一婦人產後去血過多食後着惱頭疼身痛寒
熱如瘧左手弦大微有寒邪右手弦滑不勻食飲痰火
也二者因虛而得宜養正祛邪遂以茯苓補心湯去地
黃加羌活青皮葱棗三服汗出身涼其患漸差然後以
八物湯調理半月後全愈

一婦產後面赤五心煩熱敗血入胞衣胞衣不下熱有冷
汗思但去其敗血其衣自下遂用烏豆二合炒透然後
燒紅鐵秤錘同豆淬其酒將豆淋酒化下益母丹二九
胞衣從血而出餘症盡平

一婦產後前未至月滿因食冷物及酒冷熱與血攻擊滯

下純血，纏墜急痛，其脉大無力，口乾，遂用黃芩芍藥湯三服而安。

一婦產後四肢浮腫，寒熱往來，蓋因敗血流入經絡，滲入四肢，氣喘咳嗽，胃膈不利，口吐酸水，兩脇疼痛，遂用旋覆花湯微汗，漸解，頗服小調經用澤蘭梗煎湯調下，腫氣漸消。

一婦六月產後多汗，人倦，不敢袒被，故汗出被裏冷，則浸漬得風濕疼痛，遂以羌活續斷湯數服而愈。

一婦產後血風四肢痠疼，以小續命湯數服而安。

一婦產後二日起早，况氣血未定，遂感身熱，目暗如風狀，卽以清魂散二服得微汗而愈。

一婦產後惡露未盡，瘀血入絡，又感寒邪，寒熱如瘧，卽以生料五積散五貼，惡露自下而寒熱除。

一婦產後惡露未盡，因起抹身，寒氣客于經絡，乍寒乍熱，脉緊而弦，以葱白散二貼而安。

一少婦初產四日，冷物所傷脾胃，但覺身分不快，嘔逆飲食少，思心腹滿悶，時或腹脇刺痛，晨惡寒，晚潮熱，夜則恍惚譫語，晝則抽搐，類風狀變異多端，諸醫莫測，或作虛風，或云血凝實熱，用甘溫而行血，以寒涼退實熱，如此半月不効，汪至見醫滿座，亦踟躕診其脉，弦而緊，遂令按之，小腹急痛，知瘀血未盡也，思患者大勢惡露已下，未必還有餘血，偶因寒涼所傷，瘀血停滯下焦，日

久客于經絡所以變生諸症須得大調經散倍入琥珀
化諸惡血成水其患方愈遂合前藥服之五日後行惡
水斗許臭不可近患人覺倦病勢漸減然後以人參養
榮湯數十貼月餘如初

一婦產後患鬱氣食下即滿悶以四七湯入香附神曲之
類服後氣順痰下食進病除

一婦產後血上冲心閉悶欲絕先以乾漆燒煙熏鼻次以
卷荷散三服服之甦醒惡露漸下

卷荷散出諸症辨疑

一婦產後未經滿月因怒氣血流如水三日方止隨又勞
苦四肢無力睡而汗出日晡潮熱口乾五心如炙諸醫
皆用柴芩薄荷之類其熱愈熾診其脉弦大無力此葶

勞也以四物湯一兩入胡黃連秦艽青蒿各半錢數服
熱退身涼後以黃連八珍丸一料而安

一婦產後血逆上行鼻衄口乾心燥舌黑蓋因瘀血上升
遂用益母丸二九童便化下鼻衄漸止下血漸通

俞子容治一婦新產後七日為將息失宜膝理不密因風
寒所侵身熱頭痛兩眼反眦手足痠痿名曰葶風用荆
芥穗一味新瓦上焙乾為細末豆淋酒調下二錢其疾
即愈古人珍秘此方隱葉其名故曰舉卿古拜散葶用
韻之切語舉卿為荆古拜為芥曾公談錄謂之再生丹
亦神之也

奉化陸巖治新昌徐氏婦病產後暴死但胃膈微熱陸診

之曰此血閉也。用紅花數十斤，以太鍋煮之，候湯沸，以木桶盛湯，將病者寢其上，熏之。湯氣微，復進之。有頃，婦人指動，半日遂甦。此法與許胤宗治王太后之意同。禪史

一婦人產後腸中痒，不可忍，以針線袋安所卧褥下，勿令人知之，乃愈。本草

一婦人產後腸中痒，取箭筈及欒安所卧褥下，勿令婦人知。本草

一婦人產當冬寒月，寒氣入產門，臍下脹滿，手不敢犯。此寒症也。醫欲治之，以抵當湯謂其有瘀血，嘗教之曰：非其治也。可服仲景羊肉湯，少減水服，遂愈。本草

杜壬治郝質子婦，產四日瘵癢，戴眼弓背，反張，壬以為瘵病，與大豆紫湯獨活湯而愈。政和間，余妻方分娩，猶在葦中，忽作此症，頭足反接，相去幾二尺。家人驚駭，以數婢強拗之，不直。適記所云，而藥草有獨活，乃急為之。召醫未至，連進三劑，遂能直。醫至，即愈矣。更不須用大豆紫湯。古人處方神驗屢矣。二方在千金三卷

一婦產後有傷胞，破不能小便，常淋瀝，不乾，用生絲絹一尺，剪碎，白牡丹根皮、白芨各末一錢，水一碗煎，至絹爛如錫，空心頓服，不得作聲，作聲即不効。

一婦產後水道中出肉線一條，長三四尺，動之則痛，欲絕。先服失笑散數次，以帶皮薑三斤研爛，入清油二斤煎。

油乾爲度用縮麩起肉線屈曲于水道邊以前薑熏之
冷則熨之十日日夜縮其大半二日卽盡入再服失笑散
芎歸湯調理之如肉線斷則不可治矣

一婦人產後日食茶粥二十餘碗一月後遍身冰冷數塊
人以指按其冷處卽冷從指下上應至心如是者二年
諸治不効以八物湯去地黃加橘紅入薑汁竹瀝一酒
鍾十服乃溫

薛立齋治一產婦陰門不閉發熱惡寒用十全大補加五
味子數劑而寒熱悉退又用補中益氣加五味子數劑
而斂若初產腫脹或癩痛而不閉者當用加味道遙若
腫消而不閉者當用補中益氣湯切忌寒涼之劑

一婦人脾胃素弱兼有肝火產後陰門腫痛寒熱作渴嘔
吐不食數太黃等藥服驅利之濟腫及于腎虛症燈起
此真氣虛而作先用六君子以固脾胃乃以補中益氣
湯升舉不數劑而消

一產婦失治腫潰不已形體消瘦飲食少思朝寒暮熱自
汗盜汗半年矣用補中益氣加茯苓半夏以健脾胃腫
水漸少飲食漸進用歸脾以解脾鬱共五十餘劑元氣
復而瘡亦愈

一產婦陰門不閉小便淋瀝腹內一物攻動脇下作脹或
痛用加味道遙加車前子而愈

一婦人子宮腫大二日方以揜落一片殊類猪肝已而面

黃體倦飲食無味內熱晡熱自汗盜汗用十全大補二十餘劑諸症悉愈仍復生育

一產婦腹痛發熱氣口脈大薛以為飲食停滯不化乃破血補虛又寒熱頭痛嘔吐涎沫又用降火化痰理氣四肢厥冷泄瀉下墜始信謂薛曰何也曰此脾胃虛之變症也法當溫補遂用六君子加炮薑二錢肉桂木香一錢四劑諸症悉退再用補中益氣元氣悉復

一婦產後腹痛後重去痢無度形體倦怠飲食不甘懷抱又鬱患燥唇寐而盜汗如雨竟夜不敢寐神思消燦薛曰氣血虛而有熱用當歸六黃湯內黃芩黃柏炒黑一劑汗頓止再劑全止乃用歸脾湯八珍散兼服元氣亦

復

一產婦小腹作痛服行氣破血之藥不効其脈洪數此瘀血內潰為膿也以瓜子仁湯二劑痛止更以太乙膏下膿而愈產後多有此病縱非難患用之更効

一產婦小腹疼痛小便不利用薏苡仁湯二劑痛止更以四物加桃仁紅花下瘀血而愈大抵此症皆因榮衛不調或瘀血停滯所致若脈洪數已有洪脈但數微有膿脈遲緊乃瘀血下之即愈若腹脹大轉側作水聲或膿從臍出或從大便出宜用蠟燭丸太乙膏及托裏藥家人婦產後小腹作痛忽牙關緊急灌以失笑散良久而甦又用四物加炮薑白朮陳皮而愈

一產婦兩手麻木服愈風丹天麻丸遍身皆麻神思倦怠
晡熱作渴自汗盜汗此氣血俱虛也用十全大補加炮
薑數劑諸症悉退却去炮薑又數劑而愈但內熱此血
虛也用逍遙散而痊

一產婦牙關緊急腰背反張四肢抽搐兩日連劑薛以為
去血過多元氣虧損陰火熾盛用十全大補加炮薑一
劑而甦又數劑而安

薛在吳江史萬湖弟將入更時聞云某家人婦忽仆牙關
緊急已死矣詢云是新產婦出直厨意其勞傷血氣而
發症也急用十全大補加附子煎滾令人推正其身下
人以手扶正其面却空開其口將藥灌之不藥藥已冷

令側其面出之仍正其面後灌以熱藥又冷又灌如此
五次方嚔下隨灌以熱藥遂甦

一產婦大便不通七日矣飲食如常腹中如故薛曰飲食
所入雖倍常數腹不痛脹用八珍加桃杏二仁至二十
一日腹滿欲去用猪膽汁潤之先去乾糞五七塊後皆
常糞而安

一產婦大便八日不通用通利之藥中脘作痛飲食甚少
或云通則不痛痛則不通乃用蜜導之大便不禁吃逆
不食念日此脾胃復傷用六君加吳茱肉果骨脂五味
數劑喜其年壯否則不起

一產婦惡寒發熱用十全大補加炮薑治之而愈但飲食

不甘肢體倦怠用補中益氣而安又飲食後犯怒惡寒發熱抽搐咬牙難候其脈視其面色青中隱黃欲按其腹以手護之此肝木侮脾土飲食停滯而作用六君加木香一劑而安

一產婦惡寒發熱欲以八珍加炮薑治之其家知醫以為風寒用小柴胡湯薛曰寒熱不時乃氣血虛不信仍服一劑汗出不止謹語不絕煩熱作渴肢體抽搐薛用十全大補二劑益甚脈洪大重按如無仍以前湯加附子數劑稍緩再服而安

一產婦咳嗽聲重鼻塞流涕此風寒所感用參蘇飲一鍾頓愈六七乃與補中益氣加桔梗茯苓半夏一劑而痊

又與六君加黃芪以實其膝理而安

一產婦朝吐痰夜發熱兼之無寐泥用清痰降火肌體日瘦飲食日少前症益甚薛曰早間吐痰脾氣虛也夜間發熱肝血虛也晝夜無寐脾血耗也遂用六君子湯加味道遙散加味歸脾湯以次調補不月而痊

一產婦咳嗽痰盛面赤口乾內熱晡熱微作無時此陰火上炎當補脾腎遂用補中益氣六味地黃丸而愈
一產婦瀉痢發熱作渴吐痰甚多肌體消瘦飲食少思或曾膈痞滿或小腹脹墜年餘矣此脾腎瀉朝用二神丸夕用六君子湯三月餘乃痊

一婦產後泄瀉兼嘔吐酸面目浮腫此脾氣虛寒先用

六君加炮薑為主佐以越鞠丸而燕酸愈又用補中益氣加茯苓半夏而脾胃健

一產婦瀉痢年餘形體骨立內熱晡熱自汗盜汗口舌糜爛日吐痰三碗許脈洪大重按全無此命門火衰脾土虛寒而假熱然痰者乃脾虛不能統攝歸源也用八味丸補火以生土用補中益氣兼補肺金而脾胃健

一產婦腹痛後重去痢無度形體倦怠飲食不進與死為隣此脾腎俱虛用四神丸十全大補而愈但飲食難化肢體倦怠用補中益氣湯調理而康

江篁南治一貴婦產後四五日患心腹痛醫用行血之劑痛益甚常俯臥以枕抵痛處甚則昏暈江曰此極虛也

蓋產後亡血過多暴虛經隧行滯故作痛耳以人參五錢黃芪三錢當歸芍芍炒黑乾薑玄胡二劑愈

江應宿治一婦三十餘產後三月崩漏不止用八物湯加炒黑乾薑荆芥穗阿膠珠數劑愈

上僉憲公宜人產後因沐浴發熱嘔惡渴欲飲冷水瓜果證語若狂飲食不進體素豐厚不受補醫用清涼熱熯劇診得六脈浮大洪數予曰產後暴損氣血孤陽外浮內真寒而外假熱宜大補氣血與八珍湯加炮薑八分熱減大半病人自知素不宜參芪不肯再服過一日復大熱如火復與前劑潛加參芪炮薑連進二三服熱退身涼而愈

宿按丹溪云產後當以大補氣血為先雖有他症以
未治之須問臨產難易去血多少如產難及血去多
者病致寒熱頭疼脈虛數大或虛浮緊者勿誤認作
外感是陰血既亡而陽氣外散而未復也各為正虛
當用八物加炒黑乾薑能於肺分利肺氣入肝分引
血藥生血然必與補血藥同用若產易及惡露不通
腰腹疼痛致寒熱頭疼者當去惡血若腹滿者非惡
血也切不可發表有素稟血熱因產重傷遂致血病
偏虛潮熱脈弦數口舌生瘡雖有惡露惟宜清涼勿
犯溫燥防其血傷熱極漸成勞瘵

師尼集編寒熱

許學士治一尼患惡風倦怠乍寒乍熱面赤心怔忡或時
自汗是時疫氣大行醫見其發熱作傷寒治之用大小
柴胡湯襍進數日病急許診視告之曰三部無寒邪脈
但厥陰弦長而上魚際宜服抑陰等藥治之以生地二
兩芍藥一兩柴胡秦艽黃芩各半兩為細末蜜丸如梧
桐子六每服三十九烏梅湯吞下日三服良愈
薛立齋治一寡婦因怒致不時寒熱久而不已肝脈弦緊
用小柴胡加生地治之而愈但見風寒熱仍作此是脾
胃氣虛用加味歸脾補中益氣二湯兼服而止
一室女寒熱左手脈弦長而出寸口用小柴胡加生地烏

梅治之而愈既嫁而諸症悉痊

一放出宮女年踰三十兩膝作痛肉色不變大小便中作痛如淋登廁尤痛此瘀血滯入隧道為患乃男女失合之症也難治後潰不斂又患瘰癧而發此婦為人妾夫常在外可見此婦在內久患憂鬱及出外又不如願是以致生此疾愈見瘰癧流注乃七情氣血損傷不可用攻伐皎然矣按精血篇云女人天癸既至踰十年無男子合則不調未踰十年思男子合亦不調不調則舊血不出新血誤行或潰而入骨或變而為腫或雖合而難子合多則瀝枯虛人產乳衆則血枯殺人觀其精血思過半矣

江筆南治一貴婦寡居月候不調常患寒熱手足或時麻木且心虛驚悸或心頭覺辣諸治不効診其肝脉弦出左寸口知其鬱而有慾心不遂也乃以烏藥香附二味投之二服諸症俱減

宿按男女精血盛則思慾室女孀婦有所思不得則氣結而面瘀血男思女不得則面精其理一也精血已離其位瀆入隧道故變為寒熱肝脉弦出寸口者夫腎主閉藏肝主施泄今肝火不泄逆而上行乃知男女失合

名醫類案卷之十一終

Faint bleed-through text from the reverse side of the page, including characters like 醫, 案, 卷, 之, 十, 一, 終.

